

## عائشة رضي الله عنها (2) \_ فن التعامل بين الزوجين ونصائح مهمة ( ) أمهات المؤمنين ( \_ م علاء حامد

علاء حامد

الحمد لله اشهد ان لا الله الا الله وحده لا شريك له. وشهاده ان محمدا عبده ورسوله صلى الله عليه وسلم. اما بعد اهلا ومرحبا بكم في اللقاء آآ الثاني من مدارسة - 00:00:00

زيارة ام المؤمنين عائشة رضي الله عنها وارضاها ضمن سلسلة امهات المؤمنين تناولنا سيرة خديجة رضي الله عنها وارضاها وبين ايدينا اليوم بدأنا في سيرة اتكلمنا عن سيرة ام المؤمنين سودة رضي الله عنها وارضاها. والان نحن مع - 00:00:13 مع سيرة عائشة رضي الله عنها وارضاها ام المؤمنين دي المرة الثانية من من مدارسة سيرة ام المؤمنين عائشة مرة الماضية اه الصراحة كانت مهمة جدا آآ الدرس الاول تكلمنا على البطاقة الشخصية لام المؤمنين عائشة. عرفنا آآ تعارفنا على الاب والام - 00:00:31

اخوة وعرفنا متى ولدت ومتى تزوجت النبي عليه الصلاة والسلام سواء العقد سواء البناء والكلام دوت كيف بنى بها عليه الصلاة والسلام؟ بعد كده دخلنا بقى في الموضوع الاهم وهو حال بيت النبي عليه الصلاة والسلام على اعتبار ان بيت السيدة عائشة بالنسبة لنا - 00:00:54

آآ بيت قدوة هو بيعتبر اه يعني هذا البيت آآ يعني اسعد بيوت الدنيا. اسعد بيوت الدنيا يعني طبيعي عائشة مع النبي عليه الصلاة والسلام. متوقع ان يكون اسعد بيوت الدنيا عشان كده المرة اللي فاتت - 00:01:14 ركزنا على حة مهمة او هي ما هي صور الحب التي كانت في بيت النبي عليه الصلاة والسلام آآ احنا قلنا بيت عائشة كان يعني بيت جميل. لأن عائشة كانت احب الناس الى رسول الله صلى الله عليه وسلم. وتوقع طبعا - 00:01:31 ان البيت دوت يعني بيت مسالي فيه السعادة وفي كل حاجة المرة اللي فاتت اتكلمنا على مظاهر الحب في بيت النبي عليه الصلاة والسلام. وكيف كان النبي عليه الصلاة والسلام يعبر عن حبه لعائشة - 00:01:51

الاول ان هو كان بيعبر بالكلام عادي. كان بيصرح بحبها سواء لها سواء للناس. يعني كان حتى يصرح للناس ان احب الناس اليه عائشة وقلنا دي دي الاول. وكل الناس ممكن يعمل كده. انا ممكن اقول لك اكتر واحدة بحبها زوجتي. ممكن اقول لها كده. لكن احنا بقى الاهم بالنسبة لي هو - 00:02:06

بعد كده افعاله عليه الصلاة والسلام وده اللي ركزنا عليه المرة اللي فاتت. ازاي كان بيعبر عن الموضوع ده بالافعال اكتر من الكلام يعني ممكن ما كانش يقول كتير لكن يعمل كتير. وده في الحقيقة تعبير اقوى. وده اللي بيصل للطرف الثاني اكتر وده اللي بيحس به - 00:02:26

اكثر لما بيحس ان الطرف الثاني بيعبر عن حبه بالافعال لكن برضه ده لا يغفي عن الكلام. ودي مسألة مهمة هي الموازنة بعض الناس اه عند آآ يعني بخل بالكلام سواء الزوجة او الزوج - 00:02:43

وبيكتفي بالافعال فيقول انا يعني هي عايزه كلام يعني هي بتحب تسمع كلام او هو بحب يسمع كلام لأن هو دي طريقة بالنسبة له بتفرق معه آآ وهي دي الطريقة اللي بيحس بها ان انت بتتحبه يعني. فممكن يكون احد الطرفين مميز في الافعال قوي. يعني على طول بيحب هدايا - 00:02:58

على طول يعني آآ ما فيش حاجة ناقصة بيستحمل بيصبر بيعفو وبيتجاوز فعلاً بيعمل حاجات حلوة تدل على الحب لكن مش بيتكلم كتير يعني ففي بخل احياناً بالكلام لأن ده احياناً في ناس - 00:03:18

اه حلو افعالك حلوة بس انا عايزه كلام وعلى فكرة في العكس بالعكس في واحد بيكلم كويسي اوي وفعلاً من قلبه مش بيكتب. لكن هو ضعيف في ان هو يعبر عن الموضوع ده بالافعال - 00:03:36

فاحياناً ممكن يعمل افعال تدي رسالة للطرف الثاني انت مش مهم. وانت ما سأليش على. هو بيعتبر ان عادي يعني يعني دي مش هي دي مش واقفة على كده وهي عند الطرف الثاني هي اصلاً واقفة على كده. فانا عايز اقول ان احنا بنختلف في فهم اه طريقة التعبير عن الحب - 00:03:49

فكل واحد لازم يكون عنده دراسة للطرف الثاني ويعرف هو عايز ايه مش انا بعرف اعمل ايه. في فرق بين مسلا انا انا مسلا علاء بحب الممكن الافعال اكتر من الكلام مسلا - 00:04:07

فانا بس بعمل كده مع الطرف الثاني. ممكن الطرف الثاني بالعكس هو اصلاً عايز الكلام اكتر من الافعال او العكس فانا لما باجي افker في الطرف الثاني اللي معي في البيت بافker بدماغه هو مش بدماغي انا - 00:04:21 وده اللي عامل مشاكل كتير في بيوت لكل واحد بيعبر للطرف الثاني عن حبه بطريقته هو اللي هو بيفهمها. او اللي هو بيحبهها. مش ممكن دي ما تكونش هي دي الطريقة الآخر - 00:04:33

بيقدرها. فانا عايز اعرف هل انا آآ الطرف الثاني مسلا تعبير عن الحب بالنسبة له من خلال الكلام اكتر. من خلال الافعال اكتر من خلال الوقت من خلال الخدمة والمساعدة من خلال التواصل الجسدي - 00:04:45

في طرق كتير من خلال هدايا في طرق كتير كل واحد فينا بيحبه او في طريقة معينة من الطرق اللي انا قلتها ديت آآ اللي هي الكلام الحلو الهدايا آآ الوقت - 00:05:04

الخدمة التواصل الجسدي احفزوا الخمس حاجات دولاً. ويمكن شرحهم في محاضرة طويلة قبل كده. سميتها لغات الحب الخمس. لغات الحب الخمس ان كل طرف فينا بيفهم ان الطرف الآخر بيحبه عن طريق آآ خمس حاجات - 00:05:20

بس في واحدة او اتنين فيهم بيبقوا دولاً بالنسبة له الاهم قلنا خمس حاجات اكتبونهم. الكلام الحلو او زي ما بنقول كلمات الثناء والمديح. وكلمات الحب نمرة اتنين الهدايا نمرة ثلاثة تكريس الوقت ان انت تعطي وقت للطرف الآخر تقدع معه وتسمعه ونتكلمه والكلام دوت - 00:05:38

نمرة اربعة الخدمة ان انت تساعدني وتقف جنبي وتشيل معي وتطبخ معي وتمسح معي وتنزل مشاوي معندي وتساعدني فده حسنسني ان انت بتحبني. نمرة خمسة التواصل الجسدي بقى بكل درجاته. اللمسة الخفيفة القبلة الخفيفة وصولاً بين الزوجين الى الجماع. فعايز اقول - 00:06:00

ان الناس الباب ده بيتفاوت. فانا لما اجي اعبر للطرف الثاني عن حبي له. انا بشوف هو نفسه بيفهمها ازاً فاهمين الفكرة هو ايه الرسالة اللي لما بوصلها لها؟ هو بيحس ان انا بحبه. طب اعرف دي منين؟ من التجربة - 00:06:22

بحرب الخمس حاجات واسوف ايه الحاجة اللي هو فعلاً لما بعملها بيحس ان انا بحبه او في فاهمين الفكرة فديت اهم حاجة. فممكن يكون الطرف الثاني آآ بيبقى انا مسلا عامل مساعد وعامل خدمات وكل حاجة بس مش بقول كلام حلو - 00:06:44 هو بالنسبة له انت ما عملتش حاجة كده. هو عايز الكلام الحلو. انا مش عايز حد يساعدني. انا عايز كلام حلو. او العكس. فيه واحد بيقول كلام حلو قوي. بس في الآخر ما بيقدر معندي - 00:07:01

نمام؟ لا انا عايزك تقدع معندي مش عايزه الكلام الحلو آآ لا انا انا بحب الهدايا ما بيجبش هدايا خالص. حلو الكلام بس عايزين فين الهدايا اه اه وهكذا يعني - 00:07:11

وممكن واحد بيبقى شايف ان التواصل الجسدي بالنسبة له بيعبر له عن الحب وده حاجة لا تعيب الانسان يعني السيد يعني ان احنا آآ لو فعلاً عارفين احنا لو جبنا الخمسة دول هنلاقي النبي عليه الصلاة والسلام كان بيعملهم كلهم مع السيدة عائشة. سواء كان كلمات

مدح يعبر بها زي ما شفنا. بل كان بيقول للناس ان هو بيحب السيدة عائشة. سواء كان مسلا آآ مسألة الايه؟ تكريس الوقت.  
 شفنا ازاي قعد معها سمع قصة ام زارع وابي زرع وقعد سمع القصة كلها بتركيز شديد. وبعد كده في الآخر علق تعليق - 00:07:43  
 خطير يدل ان كان مركز جدا. قال كنت لك كابي زارع لام زارع غير اني لا اطلقك. الخدمة السيدة عائشة صرحت قالت كان النبي عليه الصلاة والسلام يكون في مهنة اهله - 00:08:00

كان يقصف نعله يرقع ثوبه يحلب شاته. تمام؟ فكان يعبر برضه بالطريقة ديت ان انا باساعدك وباقف جنبك وبخدمك سواء التواصل الجسدي شفناها كتير. النبي عليه الصلاة والسلام بغض النظر عن جماع طبعا كان فيه تواصل جسدي كتير غير كده. القبلة الرحمة اللي كان بيقبل - 00:08:14

ويذهب الى الصلاة كان يعني يباشر عائشة وهي حائض كان ينام في حجرها ويقرأ القرآن حاجات كتير دي حاجات مهمة جدا. بيفهم الطرف الثاني منها ان انت قد ايه بتحبني. فكان عليه الصلاة والسلام فعلا بيستفرغ تقريبا كل الوسائل اللي الناس بيستعملوها - 00:08:33

مع عيشة وزوجاته عليه الصلاة والسلام دي المرة اللي فاتت قلنا كذا وسيلة لكن انا عايز المرة دي اركز بقى على حاجة اعلى يعني حتى ممكنا اللي بيتكلموا في المسألة - 00:08:53

ديت حتى كتاب لغات الحب الخمسة على فكرة. يمكن اتكلم في آآ الخامس حاجات واحنا رايقين. لكن ما تكلمش على ازاي اعبر لك عن حبي وانت بتضايقني آآ دي بقى حاجة عالية يمكن الكتاب نفسه ما قالهاش او يمكن فيه ناس لما بيتكلموا عن الموضوع ده ما بيحبواهاش. احنا بقى دلوقتي انا هبدأ لكم النهاردة يمكن المرة اللي فاتت ركزت على - 00:09:06

ال حاجات اللي هي آآ العلاقة بين النبي عليه الصلاة والسلام والسيدة عائشة وهم في الحال الكويسة بيسابقها وبيفرجها على الحبشه هم بيلعبوا بالحراب وبياكل مكانها وبيشرب مكانها وبينام في حجرها والكلام دوت - 00:09:30  
 لكن في بقى حاجة تانية اعلى خد بالكم اللي انا هقوله دلوقتي ممكنا يكون اعلى من اللي انا قلته المرة اللي فاتت. وهو طريقة النبي عليه الصلاة والسلام في تعبيره لعائشة عن حبه لها - 00:09:46

لما بتغفل او لما بتضايقه فعلا او لما بتعمل حاجة يعني في المفروض اي حد طبقي يتضايق لو حصل حاجة زي كده لكن في اه اه حاجة عالية قوي في التعبير عن الحب ان انت لما تضايقني - 00:09:56

لما تضايقني حبي لك يغلبني. فاقدر ان انا اسامحك واتجاوز وآآ وعادي وما تضايقش منك اصلا. تعالوا اقول لكم كذا موقف. من مواقف ان النبي عليه الصلاة والسلام يدخل على السيدة عائشة - 00:10:12

فيقول هل عندنا طعام؟ فتقول لا لا صريحة كده لا. ممكنا اي رجل يعاتب زوجته يعني طب ما قلتيس ليه؟ طب كنت اجيب حاجة وانا جاي طب كنت اعمل يعني ابعت اجيب اكل طب اتصرف طب انا - 00:10:27  
 ليه دلوقتي؟ طب اعمل ايه انا يعني؟ طب دلوقتي طب ما ما يعني فاهم عادي جدا خلاص الموضوع بيعدي بكل بساطة خلاص فيه بيتنا حب فيه بيتنا مودة هي اكبر من موقف زي دوت - 00:10:42

فانا مش مش هعاتب في بساطة جدا بيحل موقف بطريقة مسالية. فيقول اني صائم. اللي هو ايه ايه ده؟ ده مش حل يعني حل في خارج الصندوق. مش اللي هو سكت وخلاص وعداها لأن ده كمان حولها لدرس لعائشة رضي الله عنها وارضاها هي موالية اتعلمت الصيام من مين عليه الصلاة والسلام قال اني - 00:10:55

طيب يعني كمان طالعة من موقف ب حاجة ايجاية مش بس تعبد الله بان هو يتحمل يعني موقف زي دوت وما اتعصبس واستواعب الزوجة وبتاع ممكنا نسيت حصل اي حاجة. عادي جدا. قال لها ايه؟ قال اني صائم - 00:11:17  
 تعالوا اقول لكم موقف تاني في تحت عنوان ازاي بعمر للطرف الثاني عن حبي ليه مش في الروقان. ما هو لأن كل الناس يقدروا يعني يعني احنا قلنا بصوا بنقسم الناس لانواع. احنا قلنا المرة اللي فاتت الموقف وانت رايك وانت واحنا الاتنين في حال من الناس. وده

اللي الكتب بتتكلم عليه في الغالب - 00:11:32

حالة الانس ديت قلنا انواع لغات الحب اللي فيها. وشفنا النبي عليه الصلاة والسلام ازا عمل كل الحاجات ديت آآ حتى في ناس وهم رايقين زي ما قلنا مقصرين بخيل بالكلمة بخيل بالهدية بخيل بالوقت - 00:11:52

لأ احنا بنتكلم كمان لسه في مستوى ثاني. فانت اصلا لو ما نجحتش في المستوى الاولاني اللي هو واحدنا اصلا رايقين وفي حالة انس.

او مال هتعمل ايه في المستوى الثاني المستوى الثاني ده مطلوب منك ان انت تعبر عن حبك للطرف الثاني - 00:12:11

في موقف بيضايقك فيه وهنا هيبيان بقى ان انا فعلا بحبك لدرجة ان انا هعديها وان انا اتجاوز وان انا فعلا مش يعني مش قادر ازعلك. او حتى مش قادر اعاتبك. تمام؟ زي ما بيحصل ممكن ولادنا احنا بنحبهم لدرجة - 00:12:27

ان ممكن يغلط قدمي كسر حاجة عمل مشكلة قلت كلمة بسيطة. يعني موقف تاني لو حد تاني كان ممكن اكسر الدنيا. لكن اعمل ايه؟ ابني وبحبه او بنتي وبحبها وهي مش قصدي - 00:12:45

وبتاع ولها حسنات كتير عندي كزلك الزوجة مع الزوج ليه احنا بنعمل كده مع ولادنا وبنبخل مع بعض بال الحاجات ديت؟ فدي موقف اهو قلنا الموقف الاولاني موقف زوج دخل البيت ما لهاش اكل في البيت اصل - 00:12:59

تمام مش بقول لك لا اكل مش عاجبه او اكل بارد او بait ما لهاش اصلا تمام؟ الموقف الثاني لما دخل عليه الصلاة والسلام قال على عائشة فقال هل عندنا طعام؟ ده موقف الثاني قال - 00:13:13

عندنا خل ما عندنا الا خل وقال نعم الادم الخل. يعني تشووف رد الفعل السريع خد بالك دي مواقف هو مش محضر لها يعني مش عامل حسابه هيقول ايه؟ ده موقف طبيعي بيطلع بعفوية بحب عادي جدا عادي مش مشكلة ايه المشكلة؟ يجيب آآ عيش هيحطه في الزيت او في - 00:13:29

الخل دوت وهيأكل كده وخلاص نعمة القدم والخل يعني الحمد لله غيرنا مش لاقى درس رهيب للسيدة عائشة وهن Shawf السيدة عائشة ازاى كانت زاهدة في الدنيا بسبب النبي عليه الصلاة والسلام - 00:13:51

ما عملش موضوع كبير احنا بناكل كل يوم ويمكن بناكل كل يوم تلات مرات. فمستحيل ان انا يعني اخسرك علشان حاجة بنعملها كل يوم تلات مرات بقى لنا سنين في مرة غلطة او نسيت او اتلخبطت او قصرت معي فيها مستحيل احط السنين دي كلها قصاد اكلة - 00:14:03

او قصاد آآ اكل بيت او قصاد ملح ناقص. او قصاد آآ يعني آآ حاجة اكلة انا مش باحبابها او. مستحيل يعني مش من العقل ان احنا نخاطر بكل ده - 00:14:23

بسبي يعني وجبة او موقف سريع هيأخذ مننا عشر دقائق في الآخر انا هاكل في عشر دقائق انا هضع السنين دي كلها قصاد عشر دقائق عادي جدا من البساطة ان انا اعدي الموقف تماما وبعد كده في الرايق او صي خلي بالك من كذا خلي بالك من كذا - 00:14:36

على فكرة انا بحب كذا وبكره كذا. واحدنا بقى رايقين. لكن ساعة الموقف عديها. عديها وبعد كده ممكن نتعاتب واحدنا رايقين. او ما نتعاتب وده الاكمel خلاص يعني يعني كم مرة عملت اكل كوييس؟ وكم مرة يعني آآ قامت بدورها تمام؟ يعني مش معقول هنقول على واحدة ونهمل الاف المرات اللي كان فيها المعاملة - 00:14:53

كوييسة. فده من الجحود وده من نكران الجميل تمام طيب تعالوا نشووفوا موقف تالت. موقف تالت وهو عندما طمر عائشة رضي الله عنها وارضاها وبتبقي مش قادرة تعمل اي حاجة خالص - 00:15:13

هي نفسها بتحكي عن النبي عليه الصلاة والسلام قالت آآ طيب زوجة دلوقتي مرضت وتعبانية مش قادرة تقوم تعمل لك الفطار مش قادرة خلاص البيت متكركب ومتبهدل. وهي لا قادرة تقوم تكسس ولا تمسح. ولا ترتب ولا تعمل اي حاجة. ولا كويت لك - 00:15:28

القميص ولا كاوت لك الجرافة ولا هي مش قادرة تقوم من السرير ايه ساعتها بقى؟ يا ترى هتعمل ايه؟ يا ترى انت بقى تعال تخيل انت هتعمل ايه قبل ما اقول لك النبي عليه الصلاة والسلام عمل ايه - 00:15:48

متوقع الناس هتنقسم لاقسام. منهم السيء بقى اللي هو ايه هيقعد انا ما ليش دعوة. انا ما لي تعبانية ولا مش تعبانية؟ حضرتك لازم

تعملی اللي عليك. اعملی لي فطار اعملی - 00:16:02

شای انا عایز هدوی مکویة انا ما لیش دعوة تعبانة ولا مش تعبانة. هذا اسوأ نموزج للاسف يعني. وهذا ليس فيه مروءة يعني. يا اخي باقول لك تعبان مش قادر فعلا - 00:16:12

مش بستعبط وانت عارف ان انا مش بتطلع طيب في واحد تاني حیبتدي ایه يعني اه يسكت على مضض كده وباین مدایق برضو بس يعني بيقول لك مش عایز اتك عليها وهو بس وشه متغیر. ده يعني - 00:16:22

مش احسن حاجة برضه في واحد تالت آه هنبدی بقى نخشن بقى في موقف النبي عليه الصلاة والسلام هنبدی بكل بساطة جدا بكل هدوء. هيقول لي يعني خلاص ما فيش مشكلة. آه والله يا حبیبتي يعني كتر خيرك. يعني آه انا عایزك تستريح - 00:16:40

ما تتعبيش نفسك. وما تشغليش بالك بای حاجة. آه انا هاتعامل. انا هاتعامل. بكل بساطة انا هاتعامل. ومش مهم بقى يحصل ایه بعد كده. بس انت طلعيوني دماغك يعني ما تعمليش حسابي في اي حاجة. لا لا ما لکيش دعوة هتغدی ایه؟ ما لکيش دعوة حبس ایه؟ ما لکيش دعوة بای حاجة. ریحی وکتر خيرك. وانا مش مش هطلب منك حاجة لغاية ما - 00:16:58

قولی لي انك تمام. ده ممتاز. وفعلا النبي عليه الصلاة والسلام كان بيعمل كده. بس بقى خدوا بقى ایه؟ حاجة بقى فوق كده بقى. ایه اللي فوق كده؟ هو فيه اکتر من كده؟ ا. السیدة عائشة - 00:17:18

كان النبي كنت ازا اشتكيته كنت ازا اشتكيته رحمنی رسول الله صلی الله علیه وسلم ولطف بي. كنت ازا اشتكيته رحمنی رسول الله صلی الله علیه وسلم ولطف بي. يعني مش بس - 00:17:28

رحمنی ويتلطف معي في الكلام يعني بيعاملها معاملة احسن ما هي كانت سليمة. زي ما قلنا المرة اللي فاتت كان بيعاملها في الحیض معاملة اعلى ما بيعاملها هي مش حائض - 00:17:43

عشان بيعت لها رسالة ان انا حبی لك مش متعلق بحائض او مش حائض. وهنا برضه بتقول لما كنت بامرض كان بيعاملني حلو اوي ولم يطلب ما يطلبش مني حاجة خالص وبحس ان هو بيعاملني احسن ما كان بيعاملني وانا وانا کویسه. فده رسالة برضه ایجابية جدا ان هي مش مش مش فکرة انت مش - 00:17:55

بحبك عشان انت خدامة مسلا بالنسبة لي او عشان آه بتعملی لي فطاری ولو ما عملتليش فطار انا مش هحبك. لا فيه رسالة بتوصل انت بالنسبة لي محبوبة على اي - 00:18:13

وکتر خيرك وجمایلک کتیر. والطبيعي ان انا اتجاوز عن موقف زي دوت. خدوا بقى الزيادة بقى اللي احنا ایه؟ اه اه اللي مش متوقعة قالت عائشة رضي الله عنها وارضاها كان النبي صلی الله علیه وسلم اذا مرض احد من اهله - 00:18:23

ازا مرض احد من اهله نفت عليه بالمعوذات نفت عليه بالمعوذات. ياه ده حاجة خطيرة جدا. ما بتحصلش اوی دیت ان کمان کان بیبادر لوحده من غير طلب من غير ما يحوج زوجته الى طلب. كان يقعد جنبها ویبتدی یرقیها - 00:18:38

ويقرأ المعوذات ويمسح عليها وهو عليه الصلاة والسلام تخلوا بقى يعني حد بیریه النبي عليه الصلاة والسلام فمش بس ان هو عدى ومش بس ان هو تعامل لكل مروءة مش بس ان هو کمان اتعامل بطريقه احسن من الطبيعي. ده کمان کان بیرقی زوجته وکان بیقرأ عليها القرآن. انت متخيلين حاجة زي کده ممکن تعمل ایه في - 00:18:56

زوجة لما تشووف زوجها داخل عليها واتعامل بالطريقة دیت وکمان بیمسح عليها ويقرأ المعوذات ياه ده ده موضوع كبير جدا يعني يعني حتى لو انت يعني الموضوع مش محتاج شیخ على فكرة مش محتاج داعیة. انا بقول لك اقرأ قل هو الله احد والمعوذات يعني وامسح على زوجتك. الموضوع دا له اسر نفسي رهیب - 00:19:16

جدا عليها جدا يعني هيفرق معها جدا. فکل ده کان بيعمله النبي عليه الصلاة والسلام في حال تقصیر الزوجة. يعني يعني في حال ان هي مش في الحال اللي هو - 00:19:36

مثالی بل وهي تعبانة وهي نسیت حاجة وكذا وكذا. تمام؟ طیب تعالوا نشووفوا موقف کمان آه السیدة عائشة آه ما کانش في الایه في الحالة الایه؟ يعني آه مثلا آه مر النبي عليه الصلاة والسلام - 00:19:46

كان السيدة عائشة تعلمون ان هي كانت تغار يعني كانت تغار. السيدة عائشة كانت شديدة الغيرة على النبي عليه الصلاة والسلام فمرة  
كان هو قاعد في بيت السيدة عائشة وكان معه بعض اصحابه يعني مش قاعد لوحده كمان - 00:20:05

ففي زوجة من زوجات النبي عليه الصلاة والسلام عرفت انه فيه عنده عزومة زي ما بيقولوا كده وعنه ناس. فقالت تبعت اكل فقالت  
ايه؟ تبعت اكل للنبي عليه الصلاة والسلام عشان يعزم على الناس وبنات. فالسيدة عائشة لما دخلت الصحافة وفيها الاكل ايه ده مين  
دي؟ مين اللي بعنتها - 00:20:20

فلانة زي ما بقول كده بقى ايه ما حستش بنفسها الغيرة الشديدة اه خلتها من غير لا شعوريا كده راحت مسكت الصحافة وفيها  
الاكل وفيها الاكل وتدب على الارض - 00:20:38

ارض اتكسرت الايه؟ الصحافة ووقع الطعام على الايه؟ على الارض. ده قدام النبي عليه الصلاة والسلام وقدام الوفد اللي قاعد معه  
وقدام اصحابه. تمام آآ قدام الوفد اللي عند اصحابه وبالتالي يعني كان موقف محرج جدا جدا. طبيعي آآ اي حد في موقف زي  
دوت - 00:20:53

هيتعصب جدا يعني يعني انت ازاي تعمل ايه وقادم الناس واحرجتني والمنزه مش كويسي ابدا وليه يعني كل دوت ايه كل ده آآ  
النبي عليه الصلاة والسلام ما حصلش منه - 00:21:18

آآ عليه الصلاة والسلام تمام؟ كل كان رد فعله تخيلوا يعني موقف زي ده يعصب بقى ده يعصب فعلا يعني يعني انت واحد بيقرأه اصلا  
بيتعصب النبي عليه الصلاة والسلام ازاي - 00:21:34

في موقف زي دوت ان زوجتك يعني خد بالك السيدة عائشة صغيرة مش كبيرة يعني هي ممكن عندها خمستاشر سنة مسلا في  
الوقت دوت تمسك قدام الناس وتكسر الصحافة والناس قاعدين منظر مش كويسي خالص يعني فما كان منه عليه الصلاة والسلام ان  
هو هدي خالص وعرف ان الدافع الموضوع ده الغيرة - 00:21:47

وان ده شيء عفوي يعني حصل منها مش قصدها ان هي تأزيه او مش قصدها ان هي تحرجه قدام الناس فبساطة عدى الموقف بل  
وحول الموقف لحاجة تانية خالص. وقال للصحابة غارت امكم. غارت امكم. فعمل حاجتين. اولا مش بس عدى الموقف - 00:22:07  
ده دافع عنها قدام الناس دافع عنها قدام الناس. قال غارت امكم. يعني اول حاجة قال غارت يعني بدر لها هي ليه عملت كده؟ الغيرة  
هي التي في حملاتها على ذلك. الغيرة هي التي حملتها على ذلك. وبعد كده ما قالش غارة عائشة - 00:22:27

خشية ان ان منزلتها تنزل في عينين الصحابة فيعيي عليهم شيء او يقولوا فيها كلمة ففكراهم خد بالك تارة مين امكم هذه امكم  
عائشة. هي اه هي اصغر منهم في السن. بس هي خلاص صارت بمنزلة ام المؤمنين بمجرد زواجها من النبي عليه الصلاة والسلام. فاولا  
- 00:22:46

دافعنا سانيا رجع لها مكانتها. سالسا ادي رسالة تحذير لكل اللي قاعدين خل بالك او عى تنزل من نزرك. او عى كلمة كده ولا كده. غارت  
امكم وهو نفسه ما اتكلمش بس طبعا العدل لابد ان يقام مش معنى ان انا هعدي الموقف ان انا مش هجيب الحق - 00:23:07  
فجات الحق لصاحبة الحق قمر السيدة عائشة ان هي تعمل طعام قصاد الطعام دوت وتعوض صاحبة الصحافة بصحفة اخرى  
وقال طعام واناء باناء طعام بطعم واناء باناء. فده موقف تاني يعني من المواقف العجيبة فعلا الصراحة. موقف تعالوا نشوفه  
موقف كمان - 00:23:28

للنبي عليه الصلاة والسلام مع السيدة عائشة وهي ان التحمل بقى حاجة بقى اعلى من كده يعني شوفوا الموقف ده اعلى من كده ان  
السيدة عائشة كانت احيانا آآ تجادل - 00:23:53

النبي عليه الصلاة والسلام بل احيانا كانت ترفع صوتها عليه تخيلوا يعني الحاجة دي صعبه التخيل اصلا. ترفع صوتها على النبي عليه  
الصلاه والسلام. بل احيانا كانت تخاصمه اهجرها تزعل منه تخاصمه. هي حاجة صعبه جدا. يعني سيدنا عمر مرة زوجته راجعته كده  
كلمتها يعني - 00:24:07

آآ نساء قريش ما كانواش من عادتهم ان واحدة ترد على زوجها ابدا. لكن لما راحوا وعاشاوا وسط الانصار ستات الانصار عادي بيجادلوا

ازواجهم وبيروا عليهم فسيدنا عمر زوجته مرة ردت عليه فقال لها يعني من امتى الكلام ده ؟ من امتى بتردي علي ؟ شكلكم كده ايه  
قعدتوا مع نساء الانصار واتعلمن - 00:24:30

الايه الخصلة ديت. فزعل منها قال لها ايه ده بتراجعيني ! تردي علي ! من امتى المرأة من قريش بترد على جوزها وقالت يا عمر ما لك  
تنكر علي اني ارجعك اما علمت ان زوجات النبي عليه الصلاة والسلام يراجعنه - 00:24:52  
وان احداهن فاهجره الى الليل. سيدنا عمر مش مصدق. ايه ده ! ولا بيحصل فعلا ! فراح للسيدة حفصة. قال لها هو ده  
بيحصل بجد ؟ هو ممكن واحدة فيكم ترد على النبي عليه الصلاة والسلام وتجادله. وكمان يعني تتناقشه كده وبتاع وتراجعه في كلام  
بيقوله. وكمان - 00:25:10

منه اتخاصموا الى الليل قالت له الصراحة بيحصل كده زعل منها جدا انت ازاي تعملني كده يعني ؟ المهم يعني الموقف ده هو ده برضه  
كانت السيدة عائشة بتعمل كده وكان هو بيتحمل الجميع عليه الصلاة والسلام. عادي يعني هو النساء عاطفيا - 00:25:32  
مرأة عاطفية. فالرجل الحكيم يستوعب الايه ؟ عاطفة المرأة. ويعلم ان هي لما بترد بسرعة او بترد جامد شوية فبتعلي صوتها شوية.  
يعني طالما ما خرجنتش عن حدود اللادب يعني عادي بيستوعب المرأة ممكن ردود افعالها بيكون مبالغ فيها. حتى في اي - 00:25:45  
موقف على فكرة مش موقف عادي لو احنا الاتنين انا وزوجتي في نفس الوقت آآشفنا مسلا حادسه في الطريق انا ممكن  
اكون من جوة حصل حاجات كتير بس من برة ما فيش حاجة. ما يبانش علي حاجة. ممكن هي تنهار ممكن يغى عليها ممكن تصوت.  
يعني حتى المواقف - 00:26:05

آآابني وقع او بنتي وقعت انا بتصرف بهذا خالص وبتصرف بتشوف حل. هي بتبقى في حته تانية خالص. نفس الفكرة نفس الفكرة  
في آآردود الافعال عموما المرأة لها - 00:26:23

طلعات كده يعني ممكن المرأة ايه ترفع صوتها ممكن تكلم كلمة كده مش عاملة حسابها. فالرجل الحكيم بيفهم ان ده دي طبيعة  
فيبيستوعب ويعيدي. عشان لو وقفت كتير مع المواقف دي هي ما لهاش حل. ما لهاش حل لان دي جبلة في غالب النساء يعني. وقلما  
تسلم امرأة من ذلك - 00:26:38

فالنبي عليه الصلاة والسلام كان عادي جدا بيستوعب رغم مقامه الشريف عليه الصلاة والسلام لكن كان يتجاوز لزوجاته عن المواقف  
ديت. ودي من من كمال مروءة النبي عليه الصلاة والسلام - 00:26:58

اه الموقف بقى اللي حصل الرهيب جدا ان النبي عليه الصلاة والسلام كان مرة في بيته والسيدة عائشة اه كانت بتجادله ورافعة  
وصوتها عالي وهو خلاص العادي هو بيستوعب ومش مش بيتنكى يعني في الموضوع ده. بس المشكلة بقى والمصيبة اللي  
حصلت لعائشة ان ان ابو بكر الصديق - 00:27:11

كان معدى في هزه اللحزة. كان ابو بكر الصديق رضي الله عنه وارضاه كان معدى رايح لبيت النبي عليه الصلاة والسلام رايح يزور  
عائشة في يزور النبي عليه الصلاة والسلام في بيت عائشة - 00:27:32

وجه في اللحظة ديت وهو جاي سامع صوتها عالي وهو مش سامع مش سامع صوت النبي عليه الصلاة والسلام مع كده ان هي  
بتعلي صوتها عليه فطبعا ابو بكر الصديق ما حسش بنفسه. ما حسش بنفسه. لقى نفسه داخل على بيت السيدة عائشة. وبيرفع ايده  
وهيضرها - 00:27:45

وهيمسكها بيضربها فعلا. يعني هيضرها هيضربها ضرب هيضربه بجد. لان اللي هو انت انت ازاي ازاي تتجرأ وترفعي صوتك على ده  
انا ما اقدر اعملها. يعني ده سيدنا عمر ما يقدرها يعملها. انت ازاي رفعت صوتك على النبي ؟ عليه الصلاة والسلام - 00:28:06  
فجاءهم ان هو يعني يعني يضرها فجأة لقى مين اللي واقف قدامه النبي نفسه عليه الصلاة والسلام وحال بينه وبين عائشة حال  
بينه وبين عائشة وواقف له وآآلقى ابو بكر لقى النبي قدامه عائشة مستحبة في ضهر النبي عليه الصلاة والسلام فطبعا - 00:28:22  
سكت ابو بكر الصديق وهدي. وطبعا عشان هو متترف راح مشي. يعني ايه اللي هو انا ما عرفتش اضربك طب خلاص انا همشي.  
ومشي مش عارف يعمل ايه ؟ ما هي - 00:28:45

النبي عليه الصلاة والسلام راح استسمر الموقف ده بشكل ايجابي راح لاف السيدة عيشة اللي هي كانت انت كنت متعصبة علي من شوية. وانا اللي لحقتك دلوقتي. فلف عليه الصلاة والسلام للسيدة عائشة وقال لها لقد انقذت - 00:28:55

من هزا الرجل انت كنت هتضربي ضرب كتني هتاخدي ضرب دلوقتي انا لحقتك لو سبتك والله ما كانش هيخلصك منه حد لقد انقذتك من هزا الرجل. يعني كمان بيقول لها شفت المروءة بتاعتي يعني مش كفاية استحملت ان انت كلمتيني وعليتي صوتك علي شوية لا ده انا - 00:29:09

انا كمان دافعت عنك وانقذتك من ابو بكر الصديق سبحان الله! وكتني هتضربي! يعني ايه! اتلحقت يعني. المهم فطبعاً السيدة عائشة خلاص بقى بعد الموقف ده راحت قلبت الموضوع هزار وهي كانت حكيمة يعني - 00:29:33

واعترضت وبيتاع وقعدت تهزر ابو بكر الصديق راح ورجع تاني بقى متترفز تاني. فاللي هو ايه طب انا راجع تاني. فالهم راجع تاني اقاهم بيضحكوا سبحان الله! ده انا لسه سايبكم لقاهم - 00:29:46

سامع صوت ضحك جوة. فدخل وبعدين بقى فدخل طيب اشركان اشركان في سلمكما كما اشركتماني في حربكما. يعني انا وانا بس آآ في في الحزن مدعياً في الفرح منسية زي ما بيقولوا يعني. يا جدعان انا ما اجي في الخناقات بس. لا ما قولوا لي بقى انت بتضحكوا ليه يعني؟ هو انا انا دخلت كنت يعني يعني قولوا لي ما - 00:30:00

بتضحكوا ليه؟ طالما قلتوا لي يعني اشركتموني في الحرب اشركوني كمان في السلم. فشووفوا الكلام مش زي النبي عليه الصلاة والسلام. طبعاً ممكن واحد يقول يعني يعني برضه ما ينفعش ان حد يرفع صوته على النبي عليه الصلاة والسلام. خدوا بالكم من حاجة - 00:30:30

اه اه تعامل المرأة مع زوجها غير اي حد وآآ جرت العادة ان ان بين الزوجين من الالفة ومن آآ العلاقة اللي بتخللي في حاجات معينة ممكش شوفها انت - 00:30:47

مش ازاي انت يعني راضي كده بس هم ما بينهم عادي لان هم الازواج يا جماعة يعني مش بيفهم كده الا الزوجين يعني انا ممكش آآ اقبل من زوجتي كلام وهزار معين و حاجات معينة ممكش ابقي بلاش اي حد. تمام؟ عائشة لما - 00:31:04

تعامل مع النبي عليه الصلاة والسلام هنا تعامل مع زوج وهو بيعامل مع زوجة هنا فما حدش يقول ازاي ترفع صوتها عليه دهنبي ورسول صح بس هنا العلاقة الزوجية شوية اكتر ما هي علاقة بين بين رسول واحد اتباعه او صحابية يعني هي دي مش علاقة بين الرسول وصحابية - 00:31:24

ده هنا بيكلموا زوج وزوجة خلاص يعني دي من الامور اللي بيتسامح فيها بين الزوجين عشان كده النبي عليه الصلاة والسلام كان يعديها مع السيدة عائشة وما كانش بيلومها على حاجة زي كده. ودي من - 00:31:44

مروءة وكان من حقه ان هو يمنعها تماماً ان هي تعمل حاجة زي كده لكن خلاص يعني جرت العادة ان الزوجين بيحصل بينهم كده فكان يتتجاوز عليه الصلاة والسلام تمام؟ فشووفوا بقى يعني يعني انا حاجات كتير فعلاً - 00:31:56

تدل على آآ يعني مدى الحب اللي كان بين النبي عليه الصلاة والسلام وبين عائشة رضي الله عنها حتى في المواقف اللي هي يعني من الطبيعي ان انا اخد رد فعل صعب كان يتتجاوز - 00:32:12

آآ عليه الصلاة والسلام. تمام آآ طيب من اه طيب خلينا ننتقل لمحور تاني. محور تاني وهو هل معنى ان النبي عليه الصلاة والسلام كان بيحب عائشة رضي الله عنها بهذه الطريقة. اللي وصلت لدرجة التجاوز عن اخطاء كبيرة. لكن الحب غالب والمروءة غلبت - 00:32:26

هل معنى كده ان هو كان ممكش يتتجاوز عن اخطاء عائشة في في حق غيره يعني هو بيتجاوز في حق نفسه. الصحفة حقي. آآ رفعت صوتها ده حقي. آآ يعني مسلا خصمتني ده حقي. هو بيتجاوز عن كل - 00:33:00

هو في دائرة حقي هو عليه الصلاة والسلام. لكن هل مع انا بحبك ان انا اتجاوز عن حاجة تانية انت بتعملها؟ لا لو الموضوع خطأ حصل من السيدة عائشة في حق تاني - 00:33:16

في حق الله او في حق آآ مخلوق اخر كان لا يتجاوز كان سريع عليه الصلاة والسلام وده اولا فيه كمال العدل وفي المفهوم الصحيح للحب. مش معنى ان انا بحبك ان انا ما انصحكش - [00:33:29](#)

بل العكس النصيحة دي من علامات الحب وان انا اهمل نصيحتك دوت كده انا مش باحبك. بعض الناس بيعتقدوا ان انا باحب آآ ولادي فمش باقدر اقول لهم غلط وعيب وحرام. عشان انا باحبهم. ما انت - [00:33:44](#)

انت مش بتحبهم انت بتوردهم المهالك. اه انا بحب زوجتي فالصراع مش مش بعرف اقول لها لبسك ومش لبسك وصلبي ومش صلي. ما مش مش عايز ازعلها. لا انت كده - [00:34:00](#)

انت مش بتحبها. انت بتأنزها. انت بتدخلها النار كده النبي عليه الصلاة والسلام من لوازم حب العائشة ان كان بينصحها على طول ويربيها عليه الصلاة والسلام. فمسلا آآ السيدة عائشة كما تعلمون - [00:34:10](#)

مرة يعني آآ كانت بتغير كما هو معلوم السيدة صفية بنت حي بن اخطب كانت من اجمل النساء كانت جميلة جدا فالسيدة عائشة كانت بتتغير منها شوية. فمرة قاعدة مع النبي عليه الصلاة والسلام قالت يا رسول الله حسبك من صفية انها هكزا - [00:34:24](#) حسبك من صافية انها هكزا واشارت بيدها يعني قصيرة. تمام؟ فالنبي عليه الصلاة والسلام ما سكتش بقى هنا بقى مش هنسكت. شف بقى هو سكت قد ايه دي مش هسكت ده مش حق. ده حق صفية. فقال عليه الصلاة والسلام لعائشة لقد قلت كلمة - [00:34:42](#) لقد قلت كلمة يا عائشة لو مزجت بماء البحر لمزاجته يعني انت اغتببها ووواعتي فيها بكلمة. الكلمة دي لو اتحولت للون ورميئها في البحر البحر كله هيبلون باللون ده من كتر الزنب اللي ايه؟ اللي في الكلمة ديت - [00:35:00](#)

يعني لو الزنوب دي اتحولت للون واتحط في بحر البحر كله يتبلون بسبب هزا اللون. اللي عايز يقول لها عملت زنب كبير اوبي ان انت اغتبب صفية دي ام المؤمنين - [00:35:20](#)

يعني مش حد قليل يعني. ازاي تغتابي واحدة من زوجات النبي عليه الصلاة والسلام او تغتابي اي احد. قال لقد قلت كلمة لمزجت بماء البحر ايه لا مزاجته. مرة تانية السيدة عائشة دخل آآ اللي آآ كان في يهود مروا على النبي عليه الصلاة والسلام. فقالوا له السلام عليكم - [00:35:30](#)

السلام عليكم. وكان اليهود بيحروفوا الكلمة. ما بيقولوش السلام عليكم اه بيقولوها السام وكلمة السام عند العرب تعني الموت يعني الموت السيدة عائشة عارفة ان هم بيقولوا كده ولقطت ان هم اتحروفوا الكلمة علشان يدعوا على النبي عليه الصلاة والسلام بالموت - [00:35:51](#)

غضبت جدا غضبت للنبي عليه الصلاة والسلام. وراحت قعدت ترد عليه. قالت وعليكم السام واللعنة وقعدت بقى تديهم. النبي عليه الصلاة والسلام كل اللي قاله قال وعليكم وعليكم وبعد كده قال يا عائشة يا عائشة مهلا - [00:36:12](#) مهلا يا عيشة ان الله يحب الرفق الامر كله. ان الله يحب الرفق الامر كله قالت يا رسول الله اما سمعت ما قالوا قالوا السلام عليكم قال عائشة اه وما سمعت ما قلت - [00:36:31](#)

قلت وعليكم خلاص يعني لو انت قلت السلام يبقى وعليكم السلام. لو انت قلت السلام يبقى عليكم السام يعني زي ما انت قلت خلاص تمام؟ قال وسمعت ما قلت؟ قلت قلت وعليكم. يعني ما خلاص يعني انت قلت السام واللعنة - [00:36:45](#) اهدأي يا عائشة فسبحان الله يعني. ويعني السيدة عائشة آآ زي ما قلنا ان هو كان يعني لأ مرة آآ بسبب الغيرة برضه وده هنتكلم عنه يعني المفروض المحور الجاي هو الغيرة - [00:37:03](#)

طيب آآ يبقى احنا كده آآ عملنا المحور بتاع بتاع آآ آآ ان النبي عليه الصلاة والسلام مش معنى ان هو بيحب عائشة ان هو ما كانش بيربيها ويؤدبها وكان ينصحها وكان يوجهها عند الخطأ - [00:37:19](#)

تمام طيب المحور الثالث معنا النهاردة هو الكلام عن غيرة عائشة على النبي عليه الصلاة والسلام. خليني ابدأ بموقف اه مهم عشان هو مرتبط باللي فاتت. اللي هو الانكار بقى - [00:37:33](#)

هو بينكر عليها لما بتيجي يعني تقول حاجة آآ مش تمام يعني. تمام؟ فمن ذلك ان السيدة عائشة كانت بتغير جدا من السيدة خديجة

وهي كانت بتصرح بکده قالت والله ما غرت في حياتي من امرأة ما غرت من خديجة - [00:37:47](#)

يكاد تكون ما شافتهاش اصلا يعني السيدة عائشة آآ لما السيدة خديجة ماتت السيدة عائشة عندها ثلاث سنين السيدة خديجة ماتت. كان السيدة عائشة عندها ايه؟ تلات سنين. فهي بتقول ما غرت من امرأة قط ما غرت من خديجة - [00:38:03](#)

من كثرة ما كان يثنى عليها النبي عليه الصلاة والسلام امامي قالت ففي مرة كان يثنى عليها ويمدحها امامي فما ملكت نفسي وقلت له يعني آآ وقلت ما اکثر ما تذكر حمراء الصدق - [00:38:20](#)

ما اکثر ما تذكر حمراء الصدق قد ابدلک الله خيرا منها حمراء الشدق اللي هو جانب الفم جانب حمراء الشدق يعني سنانها وقعت. فلما السنان تقع بيحصل ايه؟ ببيان اللسة - [00:38:41](#)

لما يقولوا على واحد حمراء الشدق يعني كبر في السن لدرجة ان اسنانه وقعت فبدأت تبان ايه؟ اللثة وكده اه ده معناه ان هو كبير في السن. هي عايزه تقول يعني التعبير هو مش معنى كده السيدة خديجة وقعت سنانها او كده. بس ده تعبير عربي عن الشخص

الكبير في السن - [00:39:01](#)

وعايزه تقول له يعني دي سنت كبيرة كات اکبر منك قد كده يعني. فطبعا الطريقة ما عجبتش النبي عليه الصلاة والسلام خالص يعني ازاي تتكلمي عن السيدة خديجة بالطريقة ديت - [00:39:19](#)

فلم يمهلها عليه الصلاة والسلام لم يمهلها. شف رغم حبه الشديد للسيدة عائشة. لكن اول ما قالت حمراء الشدق قد ابدلک الله خيرا منها. راح لف مرة واحدة ورد قال والله ما ابدلني الله خيرا منها. على طول للسيدة عائشة. اولا طبعا خديجة هي احب الى النبي عليه الصلاة والسلام من عائشة - [00:39:29](#)

تمام؟ و خديجة افضل من عائشة قطعا. وهي الطريقة اللي اتكلمت بها ما كانتش مناسبة عن خديجة. قال فرد بقى. قال والله ما ابدلني الله خيرا منها لقد آمنت بي حين كفر بي الناس وواستني بمالها ونفسها. تمام؟ ولقد نفعني الله بمالها. تمام؟ ولقد اعطاني الله - [00:39:51](#)

منها الولد اذ حرمي من اولاد النساء. يعني ما كان عندي اولاد الا منها سبحان الله يعني فعلى طول رد عليه الصلاة والسلام ودافع عن خديجة من شدة حبه لخديجة رضي الله عنها - [00:40:11](#)

آآ بس خلينا نستفتح من الموقف دوت على عدة مواقف اه اه فيها اه غيره عائشة رضي الله عنها وارضاها. غيره عائشة رضي الله عنها وارضاها. خلينا نبدأ بموقف - [00:40:27](#)

للسيدة عائشة آآ رضي الله عنها وارضاها هي بتحكي بس عايزه اخد منه كلمة واحدة. كلمة جميلة قوي قالتها السيدة عائشة بتقول مرة خرج رسول الله صلى الله عليه وسلم من عندي في ليلة فغرت. هي دايما كانت تفتكر ان هو هيسيبها ويروح يزور زوجة تانية - [00:40:46](#)

قالت فرأى ما اصنع حس كده ان انا متغيرة وحس ان انا قلقت. فعايز يقول لها مالك يعني انا اروح فين يعني وقال مالك يا عائشة اغرتني ما لك يا عائشة؟ غيرت؟ بصوا بقى خدوا الكلمة اللي جاية ديت حط تحتها الف سطر - [00:41:03](#)

قالت يا رسول الله وما لي؟ لا يغار مثلي على مثلك. ومالي لا يغار مثلي على مثلك. الله! والله الكلمة دي تشفع للسيدة عائشة وتخليل النبي عليه الصلاة والسلام يعني اللي هو زي ما بيقول كده مش عارف يعمل معه ايه. يعني خلاص هي بحكمة استواعت كل استواعت يعني يعني قدرت تكسب - [00:41:20](#)

عليه الصلاة والسلام. وحتى وهي يعني عاملة مزودها شوية بس عترت بطريقه ودي المرأة الصالحة يا جماعة ممکن المرأة تكون غلطت او ممکن آآ زودتها شوية لكن تعرف على طول زوجها لسه هي عاتب تروح قايلة كلمة كده تطفي تماما. وفيه واحدة بقى للاسف حرية حرية يعني يعني - [00:41:43](#)

ليه اصلا لسة عاملة حاجة فيجي يكلمها تروح ايه رادة بقى قال لها يا نهار ابيض لما لو ردت الموضوع ما بيخلص واحنا بقى معاشر الرجال للعلم نحن نعيش على الردود. يعني ايه؟ يعني عايزه يعني الرجل يا جماعة - [00:42:05](#)

عايزة تسبتيه الضعف ان رجل طبيعته بيحب يقاوم مثله فلما يلاقي قدامه قوي مش بيختلف ده الرجال اللي هو الرجال بجد يعني  
بيزداد قوة ويزداد عند لما يلاقي اللي قدامه ضعيف بيسحب - 00:42:23

ان هو بيجد مش من المروءة ان انا اجي على حد ذي كده فطبعا ده الناس الطبيعية يعني في ناس مريضة نفسيا ما لناش دعوة بهم  
المراة لو لو قدرت ان هي في موقف حس الدنيا سخنت كده. فاظهرت شيء من الضعف مع كلمة كويسة وقالت كلمة كده - 00:42:41  
الموضوع بيخلص عند رد كلمة قصاد كلمة كده يا فندم ده احنا كده بنطول اوبي. مش هنخلص فالسيدة عائشة قالت كلمة  
والموضوع خلص على طول قالت يا رسول الله - 00:43:01

ومالي لا يغار مثلي على مثلك. يا سلام ده كلمة جميلة خالص ريحت الموضوع تماما فالهم يعني ده خلينا ناخذ الكلمة دي واطلع  
منها بقى ايه لموقف اه اصعب بقى بس هو الصراحة الموقف ده النبي عليه الصلاة والسلام الدائم السيدة عائشة بجد بقى -  
00:43:18

لان هي عملت حاجة اكتر اكتر من كده. يعني مرة النبي عليه الصلاة والسلام كان عند السيدة عائشة في بيتها في ليلتها حلو الكلام  
فبتقول وانا نايمه راقدة كانت هي نايمه كانت نايمه هو كان فاكر ان هي نايمه - 00:43:37

كان هو يعتقد ان هي نايمه تماما تمام فبتقول قام من جنبي ولبس رداءه وانتعل تمام؟ وفتح الباب رويدا. بيفتحه بالراحة قلعت.  
قالت هو رايح فين؟ تمام؟ فتح الباب بالراحة. بتقول ومشي ايه؟ مشي يعني - 00:43:56  
بالراحة جدا عشان ما اسمعوش. وخرج يقول فانا قلقت طبعا شكة في حاجة قالت يمكن يروح لزوجها من زوجاته. فراحت اتسحبت  
وراه ومشت وراه. بتقول راح رح رحت لقيته قتل بقىع - 00:44:13

راح مقابر البقيع اللي هي جنب المسجد النبوى. مقابر البقيع فرفع يديه ثلاث مرات واطال القيام. قعد يدعى يدعى لاهل البقيع  
تمام؟ وبعد كده هم ان هو يرجع. طبعا لما لقيته راجع هيرجع البيت وانا برة. فهيرعرف فراحت قعدت تجري في الشارع علشان تلحق  
توصل للبيت وتقعد - 00:44:29

على السرير وكأني ما طلعتش. ان هي اتحرقت جدا. هي افتكرت ان هو رايح لزوجة من زوجاته. طبعا ان هو رايح يزور البقيع. يعني  
يعني لو عرف ان انا طلعت وراه هيزلع مني جدا ان انا - 00:44:50

كده يقول لك شكي في فهني بتقول انا اتسحبت. هو بقى لاحظ ان فيه خيال قدامه. هي بعيدة. بس هو بيقول هي ولا مش هي؟  
فلا حز فيه خيال كده عدى قدامه - 00:45:00

خد باله ما زعل بقى لأ مش للدرجة دي اللي هو مش للدرجة دي مش هتخرجى ورايا لا كده مش معقول كده زيادة فزعل بقى بجد  
فرجع النبي عليه الصلاة والسلام لقاها قعدة على السرير تمام؟ قاعدة على السرير ولا كانها عملت حاجة - 00:45:12  
بس كانت بتنهج. وطبعا من كتر الجري قاعد يا سيدى فطبعا داخل ايه؟ قال لها ما لك بتنهجى ليه ها في حاجة شكلك كنت بتجري  
ولا حاجة على مالك يا عائشة؟ قالت لا شيء - 00:45:27

فلا شيء كمان قال يا عائشة اما ان تخبريني او ليخبرني اللطيف الخبر. ربنا هيخبرني. لو ما قلتليش دلوقتي عملت ايه ربنا هيخبرني  
فقالت له قالت له الصراحة انا اللي كنت ماشي وراك. وانا يعني معلش انا اسفة بس انا ما استحملتش من شدة الغيرة - 00:45:47  
لقيت نفسي مش حاسة بنفسي قلت اروح اشوفك رحت فين وقال يا عائشة ازا انت السواد الذي رأيته امامي. يعني انت اللي كنت  
بتجري قدامى. يعني انت طلعت لغاية ما كنت في البقيع جنبي. وبتراتبىني وعايزة تعرفي رحت فين - 00:46:12

قالت فلهزني لهزة في صدري. يعني ايه؟ ضربة خفيفة كده في صدرها بيعاتيها وزعل بقى قال عائشة اظننتى ان يحيف الله عليك  
ورسوله ما هي دي اللي مزعلاه. انت عارف لو هو الموضوع عارفة لو هو الموضوع عادي؟ هو كده لا احنا وصلنا للشك - 00:46:26  
لا كده بقى الغيرة وصلت لمرحلة صعبة خدوا بالكم خليني اكمل الموقف وبعد كده ارجع للكلمة ديت فقلت يا رسول الله يعني مهما  
يكلم الناس فقد علمه الله يعني يعني - 00:46:46

اعمل ايه؟ فحكى لها لا ده جبريل اتاني وامرني ان انا البس سبابي واذهب لاسلم على اهل البقيع واستغفر لهم بس افتكرتك نايمه

ظننتك نائمة فخشيت ان اوقرك يعني ده الحق علي. انا فاكرك نايمه وما رضيتش اصحيك. تفتكري ان انا ماشي ماشي بالراحة عشان ما تحسيش ان انا ماشي. عشان انا رايح لزوجة تانية. لأ - 00:47:01

فمش معقول كده. تمام بس بقى هنا فيه حته جميلة قوي السيدة عائشة عملتها. لما النبي عليه الصلاة والسلام بقى قال ايه قالت ان جبريل اتاني فامرني ان اتي اهل البقىع فاستغفر لهم - 00:47:24

فلما اخلص الجملة هنا السيدة عائشة عملت حركة زكية جدا حكيمه جدا. غيرت الموضوع تماما. قالت يا رسول الله ازا زرت اهل البقىع. مازا اقول مازا اقول؟ قال قولي السلام عليكم اهل الديار. من المؤمنين وال المسلمين يرحم الله المستقدمين منكم والمستاخرين. وانا ان شاء الله بكم لاحقون - 00:47:40

فهمتوا الحركة اللي عملتها؟ هي حاسس ان هو متضايق من الموقف اما خلصت كان ممكن ترد تقول له ما عادي يعني ايه المشكلة انت كده ايه الكلمة دي هتجيب كلمة ومش وكم - 00:48:03

اه اه الزوج هيزداد غضب المرأة الزكية بتعمل ايه؟ بتغير الموضوع او بتقول كلمة زي ما السيدة عائشة قال مثلي لا يغار على مثلك.

ما هو من كتر حبي فيك انا عملت كده. انا من كتر ما انا بحبك ما بمسكش نفسي. الموضوع يعدي. هنا - 00:48:18

المرة دي عملت حركة تانية غيرت الموضوع خالص قالت له هو لو رحنا البقىع هو المفروض اقول ايه؟ انت فهمتم هي عملت ايه؟ قال لها قولي كده كده كده كده وخلصت الموضوع - 00:48:34

الموضوع انتهى. غيرت الموضوع بطريقة زكية جدا. والنبي فهم ان هي بتغير الموضوع عشان ما يستمرش في العتاب. ومن المروءة ان هو ما فتحش الموضوع تاني وخلاص عرف ان هي عايزه تعذر بلطف فخلاص - 00:48:45

خلاص واحيانا يا جماعة فينا ملحوظتين في الاثر دوت الملحوظة الاولى وهي ان الغيرة خلينا نقول ملحوظة تانية عشان هي الاسرع الملحوظة الثانية الاول وهي ان ممكن يكون الطرف الثاني له طريقة اعتذار غير انا اسف - 00:48:59

يعني مش لازم انا اسف بعض الناس بيعتقد ان انا لو ما قلتلكش انا اسف بيقى انا ما اعتزرتلكش. لأ بعض الناس له طريقة اخرى في الاعتذار. ان هو مسلا تلقيه آآ الطف معك الكلام. قال كلام حلو. آآ غير الموضوع. آآ قام - 00:49:19

امنت عملت لك كوبایة شاي. آآ رحت انت جبت لها وانت راجع راجع جبت لها آآ حاجة حلوة احيانا كلمة اسف بتبقى ممكن احيانا تقيلة شوية. بس انا بعرف اقولها بطريقة تانية. ما يجيش بقى طرف يقول لك ما اعتززليش - 00:49:34

اما انا كل اللي عملته ده كان ايه هو ده كان طريقتى في الاعتذار بفهم مش كل الناس بتعرف تقول انا اسف بسهولة بس بيعرف يعتذر بس بطريقة تانية سواء غيرت الموضوع وقلت كلام حلو جبت حاجة حلوة عملنا عشا الموضوع خلص - 00:49:53

ما تتكاش بقى طيب الملحوظة بقى المهمة بقى اللي عايز اقولها. هو يا ان الغيرة مش حاجة كويسته. يعني من من الحاجات الجميلة اللي بين الزوجين ان كل واحد فيهم يحس الثاني بغير عليه - 00:50:07

ودي حاجة بتحسسي ان انا بحبك. مش معقول ان انا آآ زوجتي طالعة نازلة داخلة طالعة. مش بتحس ان انا لا بقول مش بغير عليها ولا مسلا حد بيص لها حد يكلمها. عمري ما يعني - 00:50:23

يا عم فيه انت ما بتغرس علي! مش حلوة! فالغيرة درجة من الغيرة حلوة. هي برضو لما حتى باحس ان هي ايه بتغير فممكن تسأل انت كنت فين انت كنت في حاجة؟ ماشي دي حق. بس في درجة معينة من الغيرة بيبقى دخلنا في الدرجة مزمومة شوية - 00:50:33

لان احنا نبتدى نشك في بعض بقى. يعني الغيرة بس مش بنشك في بعض لكن لدرجة ان انا بدأت اشك في الطرف الثاني. هنا دخلنا في وسوسه بقى مش غيرة. بقت غيرة مزمومة ودي تجيز نتيجة سلبية. عند الطرف الثاني. انا ممكن اغير عليك بس باسق فيك - 00:50:57

يعني بديك رسالتي انا بغير عليك بس انا واسق فيك في نفس الوقت لكن في بقى رسالة انا بغير عليك ومش واسق فيك دي بقى مشكلة فلازم ان احنا الغيرة محمودة - 00:51:13

انا بنصح البنات اتجوزي واحد بيغير عليك عنده غيره حلو بس مش الغيرة اللي هي توصل للوسوسة او الشك غلط ولو وصلت لكده بتجيب نتيجة ايه؟ بتجيب نتيجة عكسية خلاص - [00:51:24](#)

فده آآ موقف السيدة عائشة من آآ الموقف اللي عملته مع النبي عليه الصلاة والسلام اللي بيدل على ايه؟ شدة غيرتها على النبي عليه الصلاة والسلام طيب طبعا من المواقف المشهورة - [00:51:38](#)

اللي برضه بيست غيرة عائشة رضي الله عنها موقف آآ العسل اللي كان بيأكله النبي عليه الصلاة والسلام عند زينب عند زينب النبي عليه الصلاة والسلام من عادته اه بس قبل ما اقول الكلمة دي خلينا اقول لكم حاجة مهمة - [00:52:00](#)

هل النبي عليه الصلاة والسلام كان بيغار برضه على زوجاته على عائشة؟ طبعا طبعا اكتر ما هم بيغيروا عليه بتقولي بجد؟ ايوه طبعا ودل على كده ان الصحابة مرة كانوا بيتكلموا عن سعد بن عبادة. سعد بن عبادة - [00:52:19](#)

فيبيقولوا ان النبي عليه الصلاة والسلام يعني كان سعد ابن عبادة قال كلمة كده فقال يا رسول الله يعني لا تؤاخذ سعد فهو شديد اكيد الغيرة شديد الغيرة بيغير اوي على نساؤه - [00:52:38](#)

وقال عليه الصلاة والسلام اتعجبون من غيرة سعد والله لانا اغير من سعد ازا النبي عليه الصلاة والسلام بيغير بيغير على زوجاته بيغير على المحارم عموما ازا انتهكت حرمات الله سبحانه وتعالى. فيعني دي برضو ملحوظة اه اضافية - [00:52:52](#)

بس الغيرة المحمودة. اللي هي زي ما قلنا ما بتوصلش للايه؟ للشك ولا بتوصل للتهم. ولا بتوصل ان هي تعكشن حياتنا ولا بتوصل ان انا مش عارف اتحرك. مش عارف اتنفس بسبب شدة الغيرة - [00:53:09](#)

ديت لآ الغيرة اللي هي توصل الرسالة انا بحبك بس مش بتوصل رسالة ان انا شاكك فيك او انا مزهقك في حياتك طيب قصة السيدة زينب ان ان السيدة زينب باختصار كان آآ النبي عليه الصلاة والسلام كان من عادته ان هو ممکن كل يوم يعدي على زوجاته كلهم - [00:53:19](#)

وبعد كده يستقر في البيت اللي هو حبيات فيه فكان بيعدى على الزوجات فلحظة السيدة عائشة ملحوظة شوفوا من شدة متابعتها للنبي عليه الصلاة والسلام. ان هو كان بيقعد عند السيدة زينب اكتر شوية - [00:53:40](#)

كان بيقعد عند غيرها متخيلين الملاحة الدقيقة دي ان هو بيقعد عند السيدة زينب اكتر شوية من بيقعد عند غيرها. بيطول هنا اكتر. يعني لو قاعد هنا آآ لو قعد هنا عشر دقائق قعد هنا ربع ساعة. يعني - [00:53:53](#)

ما لك ازاي؟ متابعة رهيبة فقعدت تدور بقى هي ليه فعرفت ان السيدة زينب بتعمل حركة كده بتخليل النبي عليه الصلاة والسلام يقعد عندها شوية كانت بتعمز عليه بعسل وعارفة ان هو بيحب العسل - [00:54:07](#)

فكانـت تقول له انا عندي عسل وبتابع فطبعا يقعد عشان يراضيها يأكل عسل فيبيطول شوية فهي تكسب شوية وقت السيدة عائشة والـسيدة حـفـصـة اتفـقـوا عـلـى النـبـي عـلـى الصـلـاـة وـالـسـلـاـم وـقـالـوـا اـحـنـا لـازـم آـنـخـلـيـه ما يـاـكـلـش العـسـل دـوـتـ. فـاـتـقـقـوا اـنـهـوـاـوـلـ ماـيـخـشـ على اي - [00:54:23](#)

في واحدة منهم تقول له ريحـة فـمـكـ متـغـيرـةـ. يعني فيـيـ رـيـحـةـ كـرـيـهـةـ فيـيـ فـمـكـ فيـيـقـولـواـ لـهـ اـنـتـ كـلـتـ اـيـهـ لـوـ وـاـكـلـ حـاجـةـ رـيـحـتـهاـ مشـ كـوـيـسـةـ فـدـخـلـ عـلـى السـيـدـةـ عـائـشـةـ عـمـلـتـ كـدـهـ. فـهـوـ كـاـنـ اـكـتـرـ حـاجـةـ تـضـاـيـقـهـ الرـيـحـةـ الـاـيـهـ؟ـ الرـيـحـةـ الـقـبـيـحـةـ. وـكـانـ عـلـى طـوـلـ يـتـعـطـرـ عـلـىـ الصـلـاـةـ وـالـسـلـاـمـ. دـخـلـ عـلـى السـيـدـةـ حـفـصـةـ - [00:54:41](#)

عملـ كـدـهـ. وـالـسـيـدـةـ سـوـدـةـ كـمـانـ عملـتـ كـدـهـ. هيـ اـتـفـقـتـ هـمـ التـلـاـتـ اـتـفـقـواـ المـهـمـ رـاحـ النـبـيـ عـلـىـ الصـلـاـةـ وـالـسـلـاـمـ لـقـىـ التـلـاـتـ بـيـقـولـواـ نـفـسـ الـكـلـامـ فـاـمـتـنـعـ عـنـ اـكـلـ العـسـلـ عـنـ السـيـدـةـ زـينـبـ. وـهـيـ القـصـةـ طـوـيـلـةـ وـلـهـ تـكـمـلـةـ - [00:55:01](#)

بسـ اـنـاـ بـاـخـدـ مـنـهـاـ الشـاهـدـ بـسـ اـنـ السـيـدـةـ عـائـشـةـ قـدـ اـيـهـ كـانـتـ بـتـغـيـرـ عـلـىـ النـبـيـ عـلـىـ الصـلـاـةـ وـالـسـلـاـمـ لـدـرـجـةـ اـنـ هـيـ عـمـلـ المـكـيـدـةـ دـيـ عـشـانـ ماـيـقـعـدـشـ عـنـ زـينـبـ شـوـيـهـ زـيـادـةـ وـطـبـعـاـ حـصـلـ عـتـابـ وـرـبـنـاـ عـاتـبـهـمـ وـقـصـةـ طـوـيـلـةـ بـسـ دـهـ مشـ آـآـ مشـ هـنـقـولـهـاـ دـلـوقـتـيـ يـعـنـيـ - [00:55:18](#)

ونـزـلـ طـبـعـاـ قـوـلـهـ تـعـالـىـ يـعـنـيـ اـنـ تـتـوـبـ عـلـىـ اللهـ فـقـدـ صـفـتـ. قـلـوبـكـماـ وـانـ تـظـاهـرـ عـلـىـ النـبـيـ فـانـ اللهـ وـمـوـلـاهـ وجـبـرـيلـ. وـصـالـحـ المـؤـمـنـينـ

والملائكة بعد ذلك ظهير. فالسيدة عائشة طبعا يعني امتنعت يعني عن الحركات دي بعد كده يعني - 00:55:37

تمام طيب خلينا نكمل آآ في موقف بقى خطير جدا حصل من زوجات النبي عليه الصلاة والسلام وترتب عليه موقف خطير  
تاني ايه هو بقى وهو ان النبي عليه الصلاة والسلام بعد - 00:55:51

ما حصل بعض الفتوحات زي فتح خيبر وكده بدأت بقى في غنائم كتير بتأتي للمسلمين فالحصل ان ان بدأت بيجي اموال كتير للنبي  
عليه الصلاة والسلام لكن من عادة النبي عليه الصلاة والسلام ان هو ما كانش بيغير مستوى معيشته - 00:56:16

وما كانش بيحب كده هو من زمان مهما جت له فلوس كتير هو محافظ على مستوى معيشة معينة واي زيادة بيطلعها هو عايز يعيش  
في مستوى معين عايز يعيش في مستوى متواضع - 00:56:38

مش عايز يتتوسع ان هو بيرى ان التوسع بيشغله وكل زوجاته تزوجوه على الوضع دوت. وعارفين ان ده المستوى اللي هو مرتضيه  
لنفسه وهم كلهم تزوجوه على كده وعاشوا معه فترة على كده. وقابلين كده من البداية - 00:56:53

هو مقرر من زمان ان هو هيعيش في المستوى دوت ما يعني على طول فكان كل اموال بتجيشه من الغنائم بتجيشه اموال كتيرة جدا  
كان يدخل منها ما يكفي ان هو يعيش في المستوى اللي هو ارتضاه لنفسه - 00:57:10

واي حاجة زيادة بيطلعها كده ما ظلمش حد لان هو ما قللش مستوى حد هو المستوى اللي احنا عايشين فيه هو اللي عايشين فيه  
طبعا الزوجات لما بقت في فلوس بتيجي - 00:57:26

كتير وكان بيطلع كتير. بدأوا هم بقى عايزين التوسيع. عايزين عايزين يوسع علينا. في فلوس ما ما تعلي مستوى معيشتنا فبدأ  
الزوجات كلهم يطلبوا في نفس الوقت كل واحدة بتطلب طلبات تقول له انت بيجي لك اموال. انا عايزه وانا عايزه وانا  
عايزه. وهو ده اللي كان هو مش عايز يحصل - 00:57:39

ان النبي عليه الصلاة والسلام ليه ارتضى بالمستوى ده؟ ان هو بيرى ان المستوى ده مش بيشغله. ربنا قال ايه؟ الهاكم التكاثر هو ما  
عندوش آآ وقت ان هو يعني ينشغل بالدنيا. هو بيقول ما لي وللدنيا. ما انا والدنيا الا كعاشر سبيل استظل تحت الظل شجرة ثم ذهب -  
00:58:01

يعني انا مش عايز اشغل نفسي بطلبات واسع ونشتري انا عايز اعيش في المستوى دوت وخلاص ده بيرىحي مش بيشغلني آآ  
متطلبات خفيفة بعرف اركز في الدعوة فهو كان بيحب كده عليه الصلاة والسلام. وزوجاته عارفين كده من الاول - 00:58:20  
فبدأوا بقى لما الفلوس جت طبيعة المرأة بتطلب التوسيع فكل واحدة قالت هات لي هات لي هات لي هو عليه الصلاة  
والسلام عنده مش يعني انت عارفين المروءة وكرم اخلاقه فكان عايز يرضيهم في نفس الوقت هنا - 00:58:40

ارضائهم هيسبب له مشكلة اكبر. ممكن يشغله هو دي بالنسبة له مشكلة كبيرة هنا بقى في في اتحط في موقف هو عايز يخليلهم  
يتوقفوا عن الطلبات في نفس الوقت هو مش من طبيعته ان هو مسلا هيزع او هيضرب او كده - 00:58:57

فلما هو شعر بالارهاق الشديد دوت ما وجد حل الا ان هو يعتزل نساؤه ودي طريقة في الحقيقة يعني آآ الرجل ممكن يوصل دي  
بتبقى عقوبة بالنسبة له يعني لما يوصل لكده بيقى متضايق اوى - 00:59:17

بس دايما الرجل اللي عنده مروءة هو مش هيشتم مش هيضرب اه مش عايز يزعق ويرفع صوته ويجبب الاهل والكلام دوت اصحاب  
المروءة بيقتدوا بالصمت في بعض الرجال لو لو زوجته ضايقته اوى - 00:59:34

يسكت ويتغير بس. يعني يغير المعاملة. بيتدى يتكلم ما يتكلمش زي الاول بيرد ردود محدودة بقى ساكت كتير على طول لازم تنتبه.  
على طول لازم تنتبه تمام وتبتدى تحل الموقف بسرعة لان دي - 00:59:53

يعني وتقول الحمد لله يعني ان دي طريقة في التعبير عن الایه؟ عن الغضب وان هو ما بيزودش عن كده ان هو بيقتصر على الصمت  
او ان هو بيعتزل او هو بيتدى يتاخر مش عايز يقعد في البيت كتير. بيتدى وبعد شوية عشان - 01:00:13

مش عارف هو مش عايز يحتك عشان ما يغلطش فدي حاجة كويسيه على فكرة. حاجة كويسيه مفترض مرأة ازا انبهت لكده ما  
تستجلبش غضبه بقى هي المفروض تحل بسرعة وتحمد ربنا ان هي يعني زوجها من النوع دوت. يعني اللي هو مش هيضرب ومش

هو مش عايز مشاكل فيياخد جنب كده وخلاص وفعلا النبي عليه الصلاة والسلام لما ضاق به الامر جدا زي ما بيقول كده اخد جنب واعتنزل نساؤه. عليه الصلاة والسلام. اعتزلهم بعد عنهم تماما. اعتزلهم تماما - 01:00:46

ما كانش بيروح بيت ولا واحدة منهم وقرر ان هو يعتزل في مشروبة كده كان له مكان لوحده. عامله يعني مكان بيعتزل فيه. آ وبيبات فيه وينام فيه ويصحى فيه. ما كانش بيروح لاي - 01:01:01

في واحدة منهم قعد كده شهر كامل شهر عشان بيعاتبهم على انهم ارهقوه بكثرة الطلبات المهم مين اللي وصله الخبر سيدنا عمر بس وصله الخبر بشكل غلط. وصل له الخبر ان النبي عليه الصلاة والسلام طلق نساؤه - 01:01:13

فراح سيدنا عمر راح جري على طول على النبي عليه الصلاة والسلام واستأذن ان هو يدخل عليه. المهم دخل عليه في النهاية وقال له اطلقت نساك؟ قال له لأ ما طلاقتهمش. فهدي - 01:01:32

طبعا في حفصة فالنبي عليه الصلاة قال فسيدنا عمر حاول يضحكه. قال يا رسول الله انا كنا عشر قريش كنا نغلب نساءنا نغلب نسائنا فلما قدمنا المدينة وجدنا قوم تغلبهم نسائهم الانصار يعني ستاتهم آ ما شاء الله بيغلبواهم فضحك النبي عليه الصلاة والسلام هو كل - 01:01:42

انت عايز ايه؟ يضحكوا وبعد كده آ قال له آ يا رسول الله لو رأيتني لقد دخلت على حفصة فقلت لا يغرنك ان كانت جارتك او اضا منك. واحب الى النبي عليه الصلاة والسلام. يقول له ده انا مرة دخلت على السيدة حافصة وقلت لها ده ما تزعليش - 01:02:04

ان جارتك عائشة النبي بيعجها اكتر منك بعاسها يعني. فضحك النبي عليه الصلاة والسلام تبسم. هو كل ده عايز يضحكه عايز يخليه بيتسنم. سيدنا عمر بيحاول يرسم البسمة على وجه النبي عليه الصلاة والسلام جزا الله خيرا - 01:02:24

المهم لقى النبي عليه الصلاة والسلام نايم على حصير والحصير معلم في جنبه وقال له يعني يا رسول الله يعني يشق علي ان انت تبقى نايم على الحصير وعلم في جنبك - 01:02:39

وفارس والروم يتامون على ايه؟ على على الحرير وايه؟ وقد اعطوا الدنيا قال عمر يا عمر تمام ان اولئك قوم عجلت لهم طيباتهم في الحياة الدنيا. اما ترضى ان تكون لنا الاخرة وتكون لهم الدنيا - 01:02:49

المهم يعني قدر ان هو يعني يهدي النبي عليه الصلاة والسلام. والنبي عليه الصلاة والسلام قطع عزلته ورجع الى نساؤه راجع الى فعله بعد شهر راجع الى نساؤه. ودخل على السيدة عائشة. هو ده الموقف بقى اللي عايزه ايه؟ عايزكم آ تنتبهوا له. لما دخل على السيدة عائشة - 01:03:09

دخل السيدة عائشة بعد كم يوم تسعه وعشرين يوم بالعدد. طب عرفنا ازاي؟ عرفنا من السيدة عائشة. لما دخل على السيدة عائشة قالت يا رسول الله انك كنت قد اقسمت الا تدخل علينا شهرا. وفعلا كان اقسم ان هو مش هيدخل عليهم شهر - 01:03:27

انك كنت قد اقسمت الا تدخل علينا شهرا وانما اصبحت من تسع وعشرين ليلة اعدها عدا الجملة دي مهمه جدا تقول للسيدة عيشة يا رسول الله انت كنت اقسمت انك مش هتدخل علينا شهر. السيدة عائشة فاهمة شهر يعني تلاتين يوم - 01:03:50

بتقول له انت جاي بعد تسعه وعشرين يوم وانا عداهم عد. عداهم عد يعني شف المرأة لما زوجها يغيب عنها بتعد الايام والليالي وده دليل على شدة الحب مش اللي هي مش حاسة به. وما خدتش بالها رجع ما رجعش اتأخر ما اتأخرش. هو مش موجود في حساباتها. قلت له انا بعدهم. بعد الايام والليالي انت - 01:04:13

داخل علي بعد تسعه وعشرين يوم طب ازاي مش انت قلت واقسمت على شهر؟ انت كده رجعت يوم بدرى. قال لها لأ الشهر ده اصلا تسعه وعشرين يوم الشهر اللي احنا فيه هو اصلا تسعه وعشرين يوم. فانا كده التزمت بشهر بال تمام والكمال. فشوف حب السيدة عائشة للنبي عليه الصلاة والسلام - 01:04:34

بتقول له انا بعدهم بعد الايام والليالي بقول امته ترجع لي؟ وانا انت جاي لي في اليوم التسعه وعشرين سبحان الله يعني. ما اتلخبطش ابدا في العد رغم تسعه وعشرين يوم مش رقم - 01:04:53

فالملهم بعد كده بقى حصل ايه؟ نزلت اية التخيير نزلت ايه؟ اية التخيير. لو ربنا دافع بقى عن النبي عليه الصلاة والسلام. قال يا ايها النبي قل لازوا جك ان كنتن تردن الحياة الدنيا وزينتها - 01:05:03 اللي عايز نوسع عليها وسع عليها بس تطلقها فتعالينا امتعكن هديكوا اللي انتم عايزينه بس ايه اللي هتعوز كده مقابل كده وسرح كن سراحًا جميلا يعني اطلقها وان كنتن تردن الله ورسوله والدار الاخرة فان الله اعد للمحسنات منك - 01:05:18 اجرا عظيمًا كان مطلوب النبي يبلغ نساؤه الرسالة ديت وطبعا دخل على اول حد راح لها السيدة عائشة طبعا الخبر صعب يعني اللي هو هيقول لها ايه يعني اطلقك يا اما تقعدى معى كده هو اصلا في ازاي هيقول للسيدة عائشة كلمة زي - 01:05:37 سيدى هو عارف قد ايه هي بتحبه وقد ايه هو بيحبها فمهد لها قال يا عائشة ان الله تعالى قد امرني بامر ان اخبرك به وساخرك به ولكن لا تتعجل في الرد - 01:05:56 حتى تستأمرى ابويك ما تستعجليش في الرد وتخترى ارجعي لاب والام وحدى رأيهم الاول قبل ما تردى علي قالت له في ايه طيب؟ فراح قرأ عليها الاية ففهمت السيدة عائشة - 01:06:17 بقى رد السيدة عائشة العفو على طول. قالت يا رسول الله يا رسول الله افيك تستأمر ابوي والله اني اريد الله ورسوله والدار الاخرة كله يعني هو ده سؤال يتسائل - 01:06:36 هو انا ممكن افكر في حاجة زي كده؟ هو في احتمال اصلا هو انا ينفع اسأل شف بقى قوة تعييرها عن حبها للنبي عليه الصلاة والسلام. بتقول له اصلا السؤال ده مش وارد اصلا. ولا فيه احتمال ولا ربع في المية - 01:06:58 انا اروح واسأله لهم ليه ما فيك تستأمر ابوي والله اني اريد الله ورسوله والدار الاخرة. وكل زوجات النبي عليه الصلاة والسلام عملوا كده بقى عشان تشووفوا غيرة السيدة عائشة قالت للنبي عليه الصلاة والسلام قالت يا رسول الله لا تخبر نسائك بما قلت - 01:07:14 ما تقولهمش انا قلت ايه؟ عشان ما يردوش نفس ردي اللي هو عشان غيرانين مني. كل واحدة ترد بمزاجها فيعني بس كلهم اختاروا الله ورسوله والدار الاخرة بدليل ان هو ما طلقش ولا واحدة منهم بعد الايه؟ بعد الموقف دوت. فخذ بالكم هنا السيدة عائشة بترد للنبي عليه الصلاة والسلام موقف عمله - 01:07:32 فاكرين المرة اللي فاتت لما النبي عليه الصلاة والسلام قلنا من علامات حبه آآ للسيدة عائشة ان هو كان عبر لها ان هو متمسك بها او وان هو مش هيطلقها ابدا - 01:07:53 لما قال لها كنت لك كابي زرع لام زرع ولكنني لا اطلقك. لأن ابو زرع طلق ام زرع في النهاية. قال ولكنني لا اطلقك هنا السيدة عائشة بتقول له انا مش ممكن اسيبك ابدا. افيك اسلام رببع. فمن الحاجات الجميلة اللي بتخللي الحب في البيت جميل. ان دايما الزوجين يعبروا - 01:08:05 بعد عن تمسكهم ببعض وان هم متعلقيين ببعض وان هم يعني مش ممكن نفارق بعض وان انت انا يعني ايه مش متخلية حياتي من غيرك مش متخلية حياتي من غيرك - 01:08:26 الكلام دوت بيخللي الحاجة جميلة اوبي تمام آآ السيدة عائشة آآ عاشت مع النبي عليه الصلاة والسلام وكانت صاحبة عبادة وطاعة. وكانت قوامة وصوماً. كانت تصوم كتير جدا بازن النبي عليه - 01:08:37 الصلاة والسلام. كانت اه كثيرة الصدقة. كانت طولية القيام رضي الله عنها وارضاها كانت زاهدة كانت راضية بحياتها مع النبي عليه الصلاة والسلام. بعد الموقف ده خلاص السيدة عائشة ما تكلمتش كلمة في امور الدنيا. ما اتكلمتش - 01:08:55 كلمة امور الدنيا وعاشت مع النبي عليه الصلاة والسلام حياء يعني ممكن واحد فينا ما يتخييلش آآ ازاي ان واحدة تعيش كده. يعني مش بقول لكم زهد اللي هي يعني بتاكل وتشرب زينا لا. كان السيدة عائشة بتقول كان احيانا يمر علينا الثالث ليالي - 01:09:12 وليس عندنا طعام تمام؟ وكانت بتقول كان يعني آآ توفي رسول الله صلى الله عليه وسلم وما في بيتي من شيء يأكله ذو كبد الا شطر في رف لي تمام - 01:09:32 وآآ السيدة عائشة قالت آآ ما شبع آل محمد ما شبع آل محمد صلى الله عليه وسلم من خبز شعير يومين متتابعين حتى

قبض ما فيش يومين ورا بعض كلنا خبز الشعير - 01:09:49

كانوا بيقولوا كان كان بيت النبي عليه الصلاة والسلام يمر عليه الشهر والشهرين لا يوقد في بيته نار. وكان اغلب طعامه التمر والماء - متخيلين التمر والماء فهي كانت راضية بحياة مش مش سهلة يعني. رضي الله عنها وارضاها وعاشت معه في الاحزاب وشافت معه -

01:10:06

فعلا كان فيها ضيق في الحياة ولكنها رضيت برسول الله ورضيت بالله والدار الاخرة خلينا نقف هنا مع المواقف ديت الوقت عدى بسرعة. اتكلمنا النهاردة عن علامات جديدة للحب في بيت النبي عليه الصلاة والسلام - 01:10:28

بس من زاوية تانية خطيرة وهي زاوية لما يحصل بينا مشاكل ازاي ينعبر عن حبنا لبعض اتكلمنا عن ان الحب لم يمنع من والتأديب للسيدة عائشة اتكلمنا عن غيرة عائشة رضي الله عنها الجزء المحمود منها ولما تجاوزت شوية ازاي نفصل بين الجزء المحمود والجزء المذموم - 01:10:47

اتكلمنا عن موقف التخيير اللي عبرت فيه السيدة عائشة عن وفائها وحبها للنبي عليه الصلاة والسلام واشرنا اشارات الى زهد عائشة رضي الله عنه وارضاها ولهنا المرة القادمة نتناول بقى حادسة الافك ايه اللي حصل؟ لما اتهمت السيدة عائشة في عرضها. ويمكن نجد فرصة نتكلم عن عبادتها وزهدتها وحياءها - 01:11:07

فده هنبدأ به المرة القادمة بازن الله تعالى. جزاكم الله كل خير. نسأل الله سبحانه وتعالى ان يجمعنا جميعا مع النبي عليه الصلاة والسلام في الفردوس الاعلى ومع زوجات النبي عليه الصلاة والسلام في الفردوس الاعلى. وان يحشرنا بحبنا لهم معهم. تقبل الله منا ومنكم صالح الاعمال. جزاكم الله كل خير - 01:11:27

السلام عليكم ورحمة الله - 01:11:46